

## MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE MEDIOAMBIENTE, TERRITORIO E VIVENDA, CONSELLERÍA DE SANIDADE PARA DESENVOLVER A ESTRATEXIA DE ECONOMIA CIRCULAR DO SERVIZO GALEGO DE SAÚDE

### 1. Antecedentes

O Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda, atribúe a esta as competencias e funcións en materia de ambiente, ordenación do territorio e urbanismo, conservación do patrimonio natural, paisaxe e vivenda, conforme o establecido no Estatuto de autonomía para Galicia nos termos sinalados na Constitución Española.

O artigo 1 do Decreto 136/2019, do 10 de outubro, polo que se establece a estrutura orgánica da Consellería de Sanidade, determina que esta é o órgano da Administración autonómica responsable da superior dirección e control da execución da política da Xunta de Galicia en materia de saúde, planificación e asistencia sanitaria e farmacéutica, así como o exercicio das competencias da Xunta de Galicia para asegurar á cidadanía o dereito á protección da saúde.

O Servizo Galego de Saúde é un organismo autónomo dotado de personalidade xurídica propia, adscrito á Consellería de Sanidade desde a súa creación pola Lei 1/1989, do 2 de xaneiro. Ten entre as súas funcións: a xestión das prestacións sanitarias e a xestión dos centros, servizos e establecementos sanitarios propios ou adscritos ao mesmo; a política de relación con outras Administracións Públicas; así como o desenvolvemento de programas de formación e docencia dos seus profesionais dentro da súa competencia ou que sexan necesarios para os seus fins.

A Xunta de Galicia, como órgano colexiado de Goberno de Galicia, ven desenvolvendo diferentes actuacións fronte ao cambio climático. O seu compromiso afiánzase agora coa Estratexia Galega de Cambio Climático e Enerxía 2050, o instrumento planificador na loita fronte ao cambio climático e a transición enerxética de cara ao horizonte temporal 2050.

DIRECCIÓN XERAL DE CALIDADE AMBIENTAL, SOSTIBILIDADE E CAMBIO CLIMÁTICO  
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Lázaro  
San Lázaro, s/n, 15781 Santiago de Compostela  
T. 981 541 705  
dxcalidadeambiental.cmot@xunta.gal  
[www.xunta.gal](http://www.xunta.gal)



Dentro deste ámbito a Estratexia Galega de Cambio Climático e Enerxía 2050 no seu marco de planificación, recolle unha liña 31 específica para unha Administración pública exemplar en materia de cambio climático: Para que a política da Xunta de Galicia en materia de cambio climático sexa percibida máis favorablemente pola sociedade, é importante que todos os departamentos da administración avancen na concepción e aplicación de accións destinadas a reducir o seu impacto en materia de cambio climático.

A loita contra o cambio climático e o desenvolvemento sustentable leva, entre outras cuestións, a substituír o modelo de consumo actual lineal baseado na extracción de recursos, produción de bens, consumo dos mesmos e xeración de residuos, por un sistema de desenvolvemento e crecemento que permita optimizar a utilización dos recursos, materias e produtos dispoñibles mantendo o seu valor no conxunto da economía durante o maior tempo posible e no que se reduza ao mínimo a xeración de residuos, concepto que se bautizou co termo de economía circular.

A Consellería de Medio Ambiente, Territorio e Vivenda fixouse o obxectivo de dotar a Galicia dunha estratexia propia de Economía Circular, co fin de desenvolver o marco establecido pola UE, adaptala ás peculiaridades económicas, sociais, naturais, produtivas e enerxéticas, reportando beneficios ambientais asociados á correcta xestión dos residuos, a protección do chan, das augas, do aire, do clima e beneficios económicos e sociais asociados.

A estratexia de economía circular galega é o marco de actuación para promover a transición da Comunidade Autónoma cara a unha verdadeira economía circular, segundo as premisas impostas no ámbito comunitario.

O obxectivo primordial da Consellería de Sanidade e o Servizo Galego de Saúde é velar pola saúde da cidadanía a través dunha xestión eficiente dos recursos que contribúa a sostibilidade do sistema sanitario. Neste ámbito, a situación de cambio climático que estamos a vivir a nivel mundial, e que pon en risco a saúde das persoas, fai necesario apostar por un sistema sanitario máis sustentable e respectuoso co medio ambiente.

Elaborar unha Estratexia de Economía Circular propia para o Servizo Galego de Saúde é unha necesidade, sendo a maior empresa de Galicia, cunha actividade continuada os 365 días do ano as 24 horas do día, co que ten un gran impacto no medio ambiente.

DIRECCIÓN XERAL DE CALIDADE AMBIENTAL, SOSTIBILIDADE E CAMBIO CLIMÁTICO  
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Lázaro  
San Lázaro, s/n, 15781 Santiago de Compostela  
T. 981 541 705  
dxcalidadeambiental.cmot@xunta.gal  
[www.xunta.gal](http://www.xunta.gal)



A Consellería de Sanidade dirixe o Sistema Público de Saúde de Galicia mediante estratexias e liñas de actuación coherentes coa política sanitaria formulada polo Goberno de Galicia. Dende o Sistema Público de Saúde de Galicia planifícanse diferentes actuacións en distintos ámbitos para, entre outras cousas, establecer medidas de protección da saúde fronte a riscos ambientais e difundir información que propicie a adopción de hábitos e estilos de vida saudables. O desenvolvemento de actuacións comunitarias para o control dos riscos de enfermarse, asociados a determinantes de saúde, susténtanse nun coñecemento profundo destes determinantes e as afeccións ás que podan estar asociadas a eles.

## 2. Obxecto e contido da colaboración.

De conformidade co anterior, as partes están interesadas en establecer, mediante o presente convenio de colaboración, os criterios e condicións en orde ao impulso da “Estratexia de Economía Circular do Servizo Galego de Saúde” e a desenvolver liñas de cooperación e traballo conxunto en Clima e Saúde.

En base ao indicado, resulta oportuno propoñer a colaboración entre a Consellería de Medio Ambiente, Territorio e Vivenda e a Consellería de Sanidade co obxecto da elaboración da “Estratexia de Economía Circular do Servizo Galego de Saúde” e a cooperación en materia de clima e saúde, particularmente en base ás seguintes liñas de traballo de Saúde e Clima de aplicabilidade específica no ámbito da atención sanitaria e saúde:

- A1: A elaboración de indicadores para o “Observatorio Galego de Saúde e Clima” (proxecto enmarcado na New European Bauhaus Galicia), que sirvan para o seguimento e avaliación dos efectos dos determinantes medioambientais, especialmente os derivados do cambio climático, na saúde como instrumento orientador das políticas de prevención, protección e adaptación ao cambio climático
- A2: A colaboración nas liñas de traballo marcadas na “Estratexia Galega de Cambio Climático e Enerxía 2050”, especialmente aquelas encamiñadas a lograr unha Xunta neutra en emisións: elaboración tanto do inventario de emisións, directas e indirectas, como a avaliación das medidas de mitigación ou compensación, no seu caso, das diferentes instalacións do SERGAS.

DIRECCIÓN XERAL DE CALIDADE AMBIENTAL, SOSTIBILIDADE E CAMBIO CLIMÁTICO  
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Lázaro  
San Lázaro, s/n, 15781 Santiago de Compostela  
T. 981 541 705  
dxcalidadeambiental.cmot@xunta.gal  
www.xunta.gal



- A3: Colaboración con Meteogalicia para a determinación dos condicionantes climáticos a ter en conta na planificación de infraestruturas de saúde.
- A4: Formación dos profesionais da saúde en clima e saúde, para que sexan empoderadores da poboación xeral.
- A5: Elaboración dun manual de comunicación en clima e saúde para establecer unha comunicación efectiva na poboación galega no ámbito sanitario.
- A6: Colaboración na participación en conferencias temáticas nacionais e internacionais, cumios e mais congresos relacionados co cambio climático, saúde e clima.
- A7: organización de conferencias temáticas e/ou eventos temáticos conxuntos.

### 3. Compensación de custos.

A efectos do financiamento da elaboración polo Servizo Galego de Saúde da "Estratexia de Economía Circular do Sergas", a Consellería de Medio Ambiente, Territorio e Infraestruturas abonaría, co carácter de compensación de custo e con cargo á aplicación es la 08.02.541D.640.1, proxecto 2016 00073, a suma de QUINCE MIL (15.000) EUROS, previa aprobación dunha memoria xustificativa que deberá ser presentada polo SERGAS detallando os traballos realizados indicando os custes incorridos.

A Consellería de Sanidade asumiría o custe e financiamento daquelas actividades de formación dos profesionais sanitarios e de información e comunicación efectiva na poboación galega no ámbito sanitario.

### 4. Duración do acordo e natureza xurídica.

O convenio producirá efectos a partires da data da súa sinatura e ata o 31 de decembro do 2021.

En función da evolución dos traballos de elaboración da Estratexia, as partes poderán prorrogar a vixencia do convenio para futuras anualidades ate un máximo de catro, de conformidade co artigo 49, letra h) apartado 2º da Lei 40/2015, do 1 de outubro, de Réxime Xurídico do Sector Público.

DIRECCIÓN XERAL DE CALIDADE AMBIENTAL, SOSTIBILIDADE E CAMBIO CLIMÁTICO  
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Lázaro  
San Lázaro, s/n, 15781 Santiago de Compostela  
T. 981 541 705  
dxcalidadeambiental.cmot@xunta.gal  
[www.xunta.gal](http://www.xunta.gal)



A xurisdición contencioso–administrativa será a competente para coñecer as discrepancias que non poidan ser resoltas no seo da comisión de seguimento.

### **5. Xustificación do instrumento acordo de colaboración e exclusión do ámbito de aplicación da lei de contratos.**

O convenio marco ten natureza administrativa e queda fóra do ámbito de aplicación da Lei 9/2017, do 8 de novembro, de Contratos do Sector Público, polo que se traspoñen ao ordenamento xurídico español as Directivas do Parlamento Europeo e do Consello de 26 de febreiro de 2014, segundo o que establece no seu artigo 6.1

Como se indicou existe un interese común entre a CMATV e a Consellería de Sanidade/SERGAS para o impulso da “Estratexia de Economía Circular do Servizo Galego de Saúde” e o desenvolvemento de liñas de cooperación e traballo conxunto en Clima e Saúde

Ante este interese común considérase oportuno a sinatura dun acordo de colaboración, nos termos do artigo 14 da Lei 14/2013, entre as partes para acadar a citada finalidade, mediante o desempeño conxunto de tarefas de interese público da súa competencia.

Este acordo polo tanto, no ten natureza contractual, estando excluído do ámbito de aplicación da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

Neste sentido, estamos ante un acordo de colaboración co Servizo Galego de Saúde, organismo autónomo dotado de personalidade xurídica propia, adscrito á Consellería de Sanidade desde a súa creación pola Lei 1/1989, do 2 de xaneiro que (1) ten a condición de poder adjudicador e (2) non ten vocación de mercado dada a natureza xurídica.

Santiago de Compostela, na data e hora da sinatura dixital  
A directora xeral de Calidade Ambiental, Sostibilidade e Cambio Climático  
Sagrario Pérez Castellanos

DIRECCIÓN XERAL DE CALIDADE AMBIENTAL, SOSTIBILIDADE E CAMBIO CLIMÁTICO  
CONSELLERÍA DE MEDIO AMBIENTE, TERRITORIO E VIVENDA

Edificio Administrativo de San Lázaro  
San Lázaro, s/n, 15781 Santiago de Compostela  
T. 981 541 705  
dxcalidadeambiental.cmot@xunta.gal  
[www.xunta.gal](http://www.xunta.gal)

